

आकाशवाणी

खबरां श्रुति खजूरिया कोला,

खास-खास खबरां:-

1. निर्वाचन आयोग नै पश्चिम बंगाल च होने आहले विधान सभा उप-चुनाएं गी दिक्खदे होई All India Trinamool कांग्रेस दे नांs ते ओदे आरक्षित चुनां चिन्ह दे इस्तेमाल पर अंतरिम रोक लाई दिती ऐ।
2. बदेशी अंशदान विनियमन संशोधन विधेयक -2026 पर संसद दी सांझी समीति दी पहली बैठक अज्ज नमीं दिल्ली च होग।
3. राष्ट्रीय परीक्षा एजेंसी UGC NET जून 2026 इम्तेहान दे त्रै विशे अंग्रेजी, कार्मस ते समाज-शास्त्र दी खीरी उत्तर कूंजी जारी कीती।
4. मौसम विभाग नै अज्ज बिहार, ओडिशा, बंगाल, उप-हिमालयी, पच्छिम बंगाल, सिक्किम, केरलम ते राजस्थान च मौलाधार बरखा बरने दी संभावना जताई ऐ।
5. मर्दे दे क्रिकेट च भारत नै अफगानिस्तान खिलाफ त्रै मैचें दी टी-20 अंतराष्ट्रीय श्रृंखला 3-सिफर कन्नै जिती लैती ऐ।

<><><><><><>

AITC

निर्वाचन आयोग नै पश्चिम बंगाल च होने आहले विधान सभा उप-चुनाएं गी दिक्खदे होई All India Trinamool कांग्रेस दे नांs ते ओदे आरक्षित चुनां चिन्ह दे इस्तेमाल पर अंतरिम रोक लाई दिती ऐ। आयोग नै पार्टी दे दौने प्रतिद्वंद्वी गुटें गी उप-चुना च इन्दा इस्तेमाल नैई करने दा निर्देश दिता ऐ। आयोग नै ममता बैनर्जी ते अरुण राँय

दी अगुआई आहले दौने गुटें गी अज्ज बड्डलै 11 बजे तगर अपने-अपने समूह आस्तै त्रै नांs ते त्रै मुक्त चुनां चिन्ह तरजीह दे क्रम च देने लेई आखेआ ऐ।

<><><><><><>

Parliament Committee

बदेशी अंशदान विनियमन संशोधन विधेयक -2026 पर संसद दी सांझी समीति दी पहली बैठक अज्ज नमीं दिल्ली च होग। बैठक च गृह मंत्रालय दे अधिकारी समीति गी विधेयक दे प्रावधानें दे बारे च जानकारी देगंन। संसद दे दौनें सदनें 12 अगस्त 2026 गी बदेशी अंशदान विनियमन संशोधन विधेयक गी अगगे बचार आस्तै संसद दी सांझी समीति गी भेजने दी मंजूरी दिती ही। एह विधेयक बदेशी अंशदान विनियमन कनून-2010 च तरमीम दे कन्नै जुड़े दा ऐ। एदा मकसद बदेशी अंशदान दे इस्तेमाल च पारदर्शिता ते जोआबदेही बधाना ऐ। संसद दी सांझी समीति च लोकसभा दे 21 ते राज्यसभा दे 10 मिम्बर न। लोकसभा अध्यक्ष ते राज्यसभा दे सभापति होरें इनें सदस्यें गी नामित कीता ऐ। लोकसभा सांसद संजय जायसवाल इस समीति दे अध्यक्ष न। एह समीति संसद दे स्याले आले इजलास दे पैहले हफ्ते दे अखीरले ध्याड़े तगर अपनी रिपोर्ट पेश करोग।

<><><><><><>

NTA-UGC

राष्ट्रीय परीक्षा एजेंसी UGC NET जून 2026 इम्तेहान दे त्रै विशे अंग्रेजी, कार्मस ते समाज-शास्त्र दी खीरी उत्तर कूजी जारी कीती। मेदवार इसी UGC NET दी आधिकारिक वेबसाईट पर दिक्खी सकदे न। इनें विशे दे इम्तेहान 9 ते 10 सितम्बर गी मुख्य भरै

दे 272 शैहरें च, 454 परीक्षा केन्द्रें पर आयोजित कीते गे। मेदवार अपनी आवेदन संख्या ते पासवर्ड राएं लॉग इन करिए सरबंधित विशे दी खीरी उत्तर कूंजी दिक्खी सकदे न।

<><><><><><>

IAF Tejas

हिंदुस्तान एयरोनॉटिक्स लिमिटेड HAL बेंगलुरु च भारतीय वायुसेना गी हल्के लडाकू जहाज, 2 सीट आहले तेजस जहाज ते HTT-40 शुरुआती सिखलाई आहले जहाज सौंपोग। कम्पनी सार्वजनिक क्षेत्र दी उपक्रम पवन हंस लिमिटेड गी ध्रुव नेक्स्ट जेनरेशन हेलीकाप्टर बी सौंपोग। इस मौके पर रक्षा मंत्री राजनाथ सिंह ते सिविल Aviation मंत्री राममोहन नायडू होर मौजूद रौहगंन। रक्षा मंत्रालय नै आखेआ ऐ जे इ'नें जहाजें ते हेलीकाप्टरें गी शामिल कीता जाना स्वदेशी क्षमताएं गी मज़बूत करने ते विदेशी स्रोतें पर निर्भरता घट्ट करने दी दिशा च गेंs ऐ।

<><><><><><>

PM Semicon

प्रधानमंत्री नरेंद्र मोदी होरें आखेआ ऐ जे दुनिया गी नमें ते भरोसेमंद विनिर्माण केंद्रें दी लोड़ ऐ ते भारत इस जरूरत गी पूरा करने दी तैयारी करा'रदा ऐ। नमीं दिल्ली दे यशोभूमि च सेमीकॉन इंडिया 2026 दा उद्घाटन करदे होई, श्री मोदी होरें एह गल्ल आखी। उ'नें देशै गी आलमी सतह दी विनिर्माण चुनौतियें दा सामना करने लेई भरोसेमंद ते तैयार केंद्र करार दिता। प्रधानमंत्री होरें आखेआ जे आर्टिफिशियल इंटेलिजेंस-ए.आई दे जुग च ध्यान छड़ा ट्रांजिस्टर दे आकार थमां हटियै पूरी प्रणाली

गी किट्ठे जोडने पर केंद्रित कीता जा'रदा ऐ। श्री मोदी होरें आखेआ जे इक बक्खी साढ़ी अर्थबवस्था तेजी कन्नै अगगे जा'रदी ऐ, ते उत्थे गै दुई बक्खी भारत पर वैश्विक भरोसा बी बधा करदा ऐ। उ'ने आखेआ जे चुनौतीपूर्ण वैश्विक म्हौल दे बावजूद, भारत ने 7 इशारिया 8 फीसद दी विकास दर हासल कीती ऐ। प्रधानमंत्री होरें आखेआ जे इस्सै बेल्लै, जपान दी क्रेडिट रेटिंग एजेंसी ने बी भारत दी संप्रभु रेटिंग गी उन्नत कीता ऐ। उ'ने आखेआ जे देशै दा हर इक नागरिक विकसित भारत दे निर्माण लेई वचनबद्ध ऐ। श्री मोदी होरें आखेआ जे भारत दे सेमीकंडक्टर तंत्र च तेजी कन्नै विस्तार होआ'रदा ऐ ते एहदे'नै नमिएं काहडें, रास-पूंजी ते विकास दे नमें मौका खुल्ला करदे न। इस मौके उपपर इलेक्ट्रॉनिकी ते सूचना प्रौद्योगिकी मंत्री अश्विनी वैष्णव होरें आखेआ जे भारत केई दहाकें थमां सेमीकंडक्टर संयंत्र स्थापत करना चांहदा हा, पर एह छड़ा प्रधानमंत्री नरेन्द्र मोदी हुंदे नेतृत्व च गै मुमकन होई सकेआ ऐ। उ'ने आखेआ जे हुन बुनियाद रक्खी दिती गेदी ऐ ते साढ़ी अगली पड़ां सेमीकंडक्टर 2.0 दे माध्यम कन्नै विनिर्माण गी बणावा देना ऐ, जेहड़ा 6 प्रमुख थम्में पर केंद्रित ऐ। इंदे च सेमीकंडक्टर डिजाइन, मशीनां ते समग्री, मेमोरी, सिलिकॉन, कंपाउंड ते लॉजिक फैब्रिकेशन यूनिट ते शोध ते विकास शामिल न। श्री वैष्णव होरें आखेआ जे सरकारै सेमीकंडक्टर दी बक्ख-बक्ख जरूरतें गी पूरा करने लेई भारत च चिप डिजाइन करने दे मकसद कन्नै 200 स्टार्टअप ते कंपनियें गी सहायता प्रदान करने दा लक्ष्य तय कीता गेआ ऐ।

<><><><><><>

प्रधानमंत्री नरेंद्र मोदी हुंदे जनसेवा दे 25 बरें पूरे होने दे उपलक्ष्य च बी.जे.पी दा महीने भर चलने आहला राष्ट्रव्यापी 'सेवा संकल्प अभियान' कल्लै थमां शुरू होई गेआ ऐ। अगले महीने दी 17 तरीक तगर चलने आहले इस 'सेवा संकल्प अभियान' दे हिस्से दे तौर उप्पर अभियान दे पैहले दिनै गी 'सेवा दिवस' दे रूपै च मनाया जा'रदा ऐ, जेहदे तैहत मुख्य भरै च रक्तदान शिविर आयोजित कीते गे न। पार्टी अध्यक्ष नितिन नवीन होरें नमीं दिल्ली च पार्टी मुख्यालय च रक्तदान शिविर दा उद्घाटन कीता। नवीन होरें पार्टी दे होरनें नेताएं ते कार्यकर्ताएं दे कन्ने आपूं बी खून दान कीता। इस मौके पर संवाददाताएं कन्ने गल्लबात करदे होई बीजेपी दे प्रमुख होरें आखेआ जे मुख्य भरै च पार्टी कार्यकर्ता इ'नें रक्तदान कैंपें च हिस्सा लै करदे न। उ'नें आखेआ जे प्रधानमंत्री मोदी हुंदे नेतृत्व च नागरिकें दे जीवन च व्यापक बदलाव आया ऐ। श्री नवीन होरें आखेआ जे प्रधानमंत्री मोदी हुंदे नेतृत्व च भारत 2047 तगर 'विकसित भारत' दे लक्ष्य गी हासल करने लेई विकास दी बतै पर तेजिआ कन्ने अगड़ा बधा करदा ऐ।

<><><><><><>

IMD-Weather

मौसम विभाग नै अज्ज बिहार, ओडिशा, बंगाल, उप-हिमालयी, पच्छिम बंगाल, सिक्किम, केरलम ते राजस्थान च मौलाधार बरखा बरने दी संभावना जताई ऐ। तोंआई उत्तराखंड, आंध्र प्रदेश, छत्तीसगढ़, गुजरात, मध्य प्रदेश, कोंकण, गोवा, कर्नाटक ते लक्ष्यद्वीप च तेज हवा चलने दा अनुमान ऐ। अगले 2 दिनें दौरान तमिलनाडू, केरलम, माहे, पूर्वोत्तर दे किश हिस्सें च ते अंडमान निकोबार द्वीप समूह च बी इस्सै चाली दा मौसम रौहने दी संभावना ऐ। राश्ट्री राजधानी दिल्ली च अज्ज हलके बदल छाए दे रौहने दी मेद ऐ।



EAM Passport

विदेश मंत्रालय नै पास्पोर्ट संशोधन नियम-2026 अधिसूचित कीता ऐ। एदे तैहत 15 बरे थमां घट्ट उमरी दे बच्चें गी जारी 36 सफें आहला सामान्य पास्पोर्ट हून जारी होने दी तरीख थमां 5 बरे जां बच्चें दी 18 बरे दी उमर पूरी होने तगर वैध रहोग। एदे च जेहड़ी अवधि पैहले पूरी होग उय्यै मान्य होग।



Indian Diplomat

अमरीका च, भारत दे राजदूत विनय मोहन क्वात्रा होरें आखेआ जे भारत दुनिया दी सब्बनैं थमां तेजी कन्नै बददी प्रमुख अर्थ-बवस्थाएं चा इक ते त्रिया सब्बनैं थमां बड्डा ऊर्जा उपभोक्ता ऐ। उ०'नैं आखेआ जे मुख्य दीयां ऊर्जा जरूरतां अगगे बी बदडन ते ऊर्जा सुरक्षा पैहली तरजीह ऐ। क्वात्रा होरें आखेआ जे भारत मध्य पूर्व, अफ्रीका ते लैटिन अमरीका, यूरेशिया ते अमरीका सनैं बक्ख-बक्ख क्षेत्रें थमां ऊर्जा हासिल करदा ऐ। एदे आस्तै उपलब्धता, कीमत ते बजार दी स्थिति गी ध्यान च रखेआ जंदा ऐ। उ'नैं आखेआ जे हाल दे बरे च संघर्ष करी वैश्विक ऊर्जा आपूर्ति प्रभावित होने पर भारत नै अपने लोकें गी कीमतें च चानचक्क बाट्दे थमां बचाने आस्तै गैंs पुट्टियां न।



Nasha Mukht -Punjab

ਪੰਜਾਬ ਚ ਭਾਰਤੀਯ ਜਨਤਾ ਪਾਰਟੀ ਅੱਜ ਪਠਾਨਕੋਟ ਥਮਾਂ ਰਾਜਯਵਯਾਪੀ “ਨਸ਼ਾ ਮੁਕਤ ਪੰਜਾਬ” ਯਾਤਰਾ ਦੀ ਸ਼ੁਰੂਆਤ ਕਰੇਗ। ਏਹ ਯਾਤਰਾ ਰਾਜਯ ਦੀ ਸਾਰੀ 117 ਵਿਧਾਨਸਭਾ ਸੀਟੇਂ ਤਗਰ ਪੁੱਜਯੋਗ ਤੇ ਨਸ਼ੇ ਖਿਲਾਫ ਅਭਿਯਾਨ ਗੀ ਜਨ-ਆਂਦੋਲਨ ਦਾ ਰੁਪ ਦੇਨੇ ਪਰ ਜੋਰ ਦੇਗ। ਪਾਰਟੀ ਦੇ ਰਾਸ਼ਟਰੀਯ ਅਧਯਕਸ਼ ਨਿਤਿਨ ਨਵੀਨ ਯਾਤਰਾ ਗੀ ਹਰੀ ਝੰਡੀ ਦਸ਼ਿਸਏ ਰਵਾਨਾ ਕਰਡਨ। ਯਾਤਰਾ 30 ਸਿਤੰਮਬਰ ਗੀ ਜਾਲੰਧਰ ਚ ਸੰਪੰਨ ਹੋਗ। ਅਭਿਯਾਨ ਚ ਪੰਜਾਬ ਦੇ ਸਾਮਨੇ ਤ੍ਰੈ ਪ੍ਰਮੁੱਖ ਚੁਨੌਤਿਏਂ ਪਰ ਧਯਾਨ ਕੇਂਦ੍ਰਿਤ ਕੀਤਾ ਜਾਗ। ਝੰਡੇ ਚ ਨਸ਼ੇ ਦਾ ਪ੍ਰਕੋਪ, ਬਿਗਡੀ ਕਨੂੰਨ ਬਵਸਥਾ ਤੇ ਸ਼ਾਸਨ ਦੀ ਬਕਸ਼-ਬਕਸ਼ ਸ਼ਟਹੇਂ ਪਰ ਭ੍ਰਸ਼ਟਾਚਾਰ ਸ਼ਾਮਲ ਏ।

<><><><><><>

TATA

ਟਾਟਾ ਸੰਸ ਨੇ ਏਨ. ਚੰਦ੍ਰਸ਼ੇਖਰਨ ਹੋਰੇਂਗੀ ਅਗਲੇ 5 ਬਰੇ ਚ ਝਕ ਹੋਰ ਕਾਰਯਕਾਲ ਆਸ਼ਟੈ ਕਾਰਯਕਾਰੀ ਅਧਯਕਸ਼ ਬਨਾਝੇ ਰਖਨੇ ਦਾ ਫੈਸਲਾ ਕੀਤਾ ਏ। ਟਾਟਾ ਸੰਸ ਦੇ ਬੋਰਡ ਨੈ 4-1 ਦੇ ਬਹੁਮਤ ਕੰਨੈਂ ਝੰਡੇ ਕਾਰਯਕਾਲ ਗੀ ਬਦਾਨੇ ਦੇ ਪ੍ਰਸ਼ਟਾਵ ਗੀ ਮੰਜੂਰੀ ਦਿਤੀ। ਝੰਡਾ ਮਜ਼ੂਦਾ ਕਾਰਯਕਾਲ 20 ਫਰਵਰੀ 2027 ਗੀ ਖਤਮ ਹੋਨਾ ਹਾ। ਹਾਲਾਂਕਿ 66 ਫੀਸਦ ਹਿਸ਼ਸੇਦਾਰੀ ਰਖਨੇ ਆਹਲੇ ਟਾਟਾ ਟ੍ਰਸ਼ਟ ਨੈ ਝਸ ਮਤਦਾਨ ਗੀ ਅਵੈਧ ਦਸ਼ਸੇਆ ਏ। ਟਾਟਾ ਟ੍ਰਸ਼ਟ ਦੇ ਅਧਯਕਸ਼ ਨੋਏਲ ਟਾਟਾ ਨੈ ਪ੍ਰਸ਼ਟਾਵ ਖਿਲਾਫ ਝਕ ਮਾਤ੍ਰ ਵੋਟ ਦਿਤਾ। ਟ੍ਰਸ਼ਟ ਦਾ ਆਖਨਾ ਏ ਜੇ ਝੰਡੇ ਨਾਮਿਤ ਨਿਦੇਸ਼ਕ ਨੋਏਲ ਟਾਟਾ ਦੇ ਵੀਟੋ ਕਰੀ ਏਨ. ਚੰਦ੍ਰਸ਼ੇਖਰਨ ਦੀ ਪਰਤਿਏ ਨਿਯੁਕਤਿ ਦੇ ਪ੍ਰਸ਼ਟਾਵ ਗੀ ਕਨੂੰਨੀ ਰੁਪ ਕੰਨੈਂ ਮਾਨਯ ਨੈਝੇ ਏ। ਹੁਨ ਏਹ ਪ੍ਰਸ਼ਟਾਵ ਔਂਦੀ ਸਾਲਾਨਾ ਆਮ ਬੈਠਕ AGM ਚ ਸ਼ੇਧਰ ਧਾਰਕੇਂ ਦੀ ਮੰਜੂਰੀ ਲੇਝੇ ਰਖੇਆ ਜਾਗ।

<><><><><><>

Cricket

मर्दे दे क्रिकेट च भारत नै अफगानिस्तान खिलाफ त्रै मैचें दी टी-20 अंतराष्ट्रीय श्रृंखला 3-सिफर कन्नै जिती लैती ऐ। दिल्ली दे अरुण जेटली स्टेडियम च कल रातीं खेड़ो गेदे त्रिए ते खीरी मैच च भारत नै अफगानिस्तान गी 127 रन्ज कन्नै हराया। भारत नै पैहले बल्लेबाजी करदे होई तय 20 ओवरें च 7 विकट पर 221 रन्ज बनाए। परते च अफगानिस्तान दी पूरी टीम 14 ओवरें ते इक गेंद च 94 रन्ज पर सिमटी गेई। भारत दी तरफा नितीश कुमार रेड्डी ते रवि बिश्नोई नै त्रै-त्रै विकट लैते। अभिषेक शर्मा नै 34 गेंदे च शानदार 108 रन्ज दी पारी खेड़डी, ते संजू सैमसन ने 50 रन्ज बनाए। अभिषेक शर्मा गी प्लेअर ऑफ द मैच घोषित कीता गेऐ।

<><><><><><>

Army Chief –Russia

सेना प्रमुख जनरल धीरज सेठ होरें रुस दी त्रंऊ दिनें दी अधिकारिक जातरा दे दरान रूसी थल सेना मुख्यालय दा दौरा कीता। इस दरान दौनें मुख्यें बश्कार फौजी सैहयोग गी होर मज़बूत करने, सिखलाई गतिविधियें दा विस्तार करने ते सेनाएं दे समर्थ विकास गी बढ़ावा देने च चर्चा होई। रुस पुज्जने पर जनरल सेठ होरें'गी औपचारिक गार्ड ऑफ ऑनर दिता गेआ। एहदे परैन्त उ'नें मास्को च सैनिकें दी समाधि पर श्रद्धांजलि अर्पित कीती। रक्षा मंत्रालय नै दस्सेआ जे अज्ज सेना प्रमुख, मास्को च स्थित राष्ट्री रक्षा नियंत्रण केन्द्र दा दौरा करडन ते रूसी रक्षा मंत्रालय दे वरिष्ठ अधिकारिएं कन्नै मलाटी करडन। रुस दे रक्षा उप-मंत्री वासिली ओस्माकोव इनें बैठकें च मजूदा फौजी घटनाक्रम ते रक्षा सहयोग बधाने दे उपाएं पर बचार सांझे करडन।

<><><><><><>